


FUCZ

U pećini podno planine Velež pronađeno više od 730 granata iz Drugog svjetskog rata

Piše: N. Ž. 1d 13h

11 komentara 80 dijeljenja

Podijeli



Poslušajte članak

Podijeli

Fotograf iz Jablanice Dženad Džino otkrio je u objavi na Facebooku da je prilikom rada na projektu s Turističkom zajednicom Hercegovačko-neretvanskog kantona u pećini podno planine Velež, zajedno s Civilnom zaštitom Federacije Bosne i Hercegovine, pronašao veliki broj granata iz Drugog svjetskog rata.

Kako je pojasnio u objavi, po završetku snimanja svog projekta je sreo pripadnike Civilne zaštite koji su dobili informaciju od turista iz Velike Britanije da se u pećini nalazi granata iz ovog perioda.

"Spustio sam se s momcima iz FUCZ-a i negdje na 40 metara pećine smo zaista pronašli italijansku granatu BRIXIA 45 mm iz Drugog svjetskog rata. U pećini ima također nekoliko manjih udubljenja, kao džepova koji se nalaze unutra, i u jednom od njih, kad sam posvijetlio mobitelom, ugledao sam signalni njemački metak", napisao je Džino.

Dalje je pojasnio da je ušao u ovo udubljenje te pronašao ogroman broj granata iz Drugog svjetskog rata.

"Čitava jedna prostorija unutra bila je puna granata. Nakon što je A tim FUCZ iz Mostara sve iznio, prebrojali smo više od 730 granata BRIXIA 45 mm, granata 60 mm Brandt, Granate 75 mm, ručne bombe i upaljače za granate. U razgovoru s Ivicom, pirotehničarem FUCZ-a, rekao mi je da je ovo najveći pronalazak NUS-a iz Drugog svjetskog rata od 1999. godine, otkako ovaj tim postoji", naveo je.

Na kraju je prizor i cijelu situaciju nazvao nevjerovatnim iskustvom.

"Da li je u pitanju bilo partizansko skladište koje je vremenom zaboravljeno, ili je neko od mještana nekada ubacio i sakrio, vjerovatno nikad nećemo saznati. Zahvaljujući momcima iz FUCZ-a, pećina je sad sigurna i čeka sve one koji je žele posjetiti", istakao je fotograf iz Jablanice.

Znate nešto više o temi ili želite prijaviti grešku u tekstu?

FUCZ Velež

Dodajte Klix.ba među omiljene izvore na Googlu

Više na istu temu

- U REJONU PISVIRA I dalje aktivan šumski požar kod Jablanice, u gašenju jučer učestvovao i helikopter Oružanih snaga BiH
01.06.2026. u 10:46
PODUZETE SVE MJERE Zaustavljeni radovi na zgradi Rudostroja u Kaknju zbog radioaktivnog gromobrana
18.05.2026. u 06:08

KOMENTARI (11)

Klix POSAO

Advertisement for Office Shoes, Frimeco, and Slatko i Slano.

Možda vas zanima

Advertisement grid with three columns: car promotion, land acquisition, and NBA player news.

Više s weba

Advertisement grid with three columns: news about Iran, football, and a Serbian article.

by Taboola